



# Ról an CSO in Éiceachóras Sonraí na hÉireann

**Bunchloch den chinnteoireacht is iad sonraí ar ardchaighdeán. Is cuid riachtanach iad chomh maith chun a chur ar chumas mhuintir na hÉireann maireachtáil i sochaí eolach.**

Cabhraíonn staitisticí ar ardchaighdeán le daoine na hathruithe a tharlaíonn i ngeilleagar agus i sochaí na hÉireann a thuiscint.


Cuimsíonn Éiceachóras Sonraí na hÉireann na gabháltais sonraí i Státseirbhís agus i Seirbhís Phoiblí na hÉireann. Tá léargas suntasach ag baint leis na gabháltais sonraí seo do lucht déanta beartais agus do mhuintir na hÉireann ach struchtúr a chur orthu agus iad a riaradh de réir caighdeán agus rangúcháin chomhaontaithe. Gan struchtúr, bíonn sonraí fágtha i bhfolach i stórais aonraithe agus mar thoradh air sin cailltear deis chun éifeachtúlachtaí agus léargas breise a bhaint amach.

Trí na sonraí agus seirbhísí a sholáthraímid, tacaímid le comhcheangal sonraí agus éascaímid forbairt beartais, measúnú beartais agus taighde a dhéanann daoine agus grúpaí eile. Tugaimid ceannaireacht ar Chóras Staidrimh na hÉireann, lena n-áirítear na Staitisteoirí CSO ar iasacht a thionsaíonn staitisticí agus a fheabhsaíonn bainistiú sonraí ar fud na Seirbhíse Poiblí. Anuas air sin, táimid lármach i bhforbairt an Bhonneagar Sonraí Náisiúnta, tionscadal

faoina moltar úsáid aitheantóirí uathúla ar fud na hearnála Státseirbhíse agus Poiblí, rud a éascaíonn bainistiú sonraí níos éifeachtúla agus úsáid sonraí riaracháin i dtíomú ábhair Staidrimh Oifigiúil. Is é an CSO an cosantóir sonraí do Éiceachóras Sonraí na hÉireann, ról a chuimsítear in ailt 10(2), 10(3) agus 31 den Acht Staidrimh, 1993. Sa ról sin, imreoidh an CSO tionchar ar fheabhsú an caighdeán atá ar fhoinsí sonraí riaracháin ach caighdeán chomónta, rialacha agus treoracha a fhorbairt. Beidh feidhm acu seo i rangúchán, stóráil agus bainistiú sonraí a rialú ar fud na státseirbhíse agus na seirbhíse poiblí.

Rachaidh éiceachóras láidir sonraí chun leasa díriú na hÉireann ar na bealaí a leanas:

- Idirghníomhú an phobail le seirbhísí stáit a chúchóiriú
- Taca a chur faoi fhorbairt agus measúnú beartais atá bunaithe ar fhianaise
- Bonn eolais a chur faoi sheachadadh seirbhíse feabhsaithe
- Láidriú na seirbhíse poiblí a chur chun cinn
- Sonraí riarachán ar ardchaighdeán a sholáthar ar mhaithe le tíomú ábhair Staidrimh Oifigiúil.



Is as

**SONRAÍ**



a thionsaítear

**EOLAS**



lena ghintear

**FAISNÉS**



arb é a thoradh

**CINNTEOIREACHT FHEASACH**

## RÁITEAS STRAITÉISE 2020 – 2023

## Léargas Neamhspleách do chách

### Idirghabháil idirnáisiúnta

Tá sé de dhualgas dlíthiúil ar an CSO ceannaireacht a thabhairt agus comhordú a dhéanamh ar thíomú Staidrimh Oifigiúil in Éirinn. Tagann trí cheathrú de tháirgí staitistiúla na hOifige faoi fhorálacha i reachtaíocht Eorpach.

Glacann an Oifig go hiomlán le Bun-Phrionsabail na Náisiún Aontaithe um Staidreamh Oifigiúil agus cloíonn sí le Cód Cleachtais an Staidrimh Eorpaigh.

### An bealach ina gcomhlíonfar na ndualgas amach anseo

#### Daoine

- Leanaimid de ghairmiúlacht agus saíneolas ár mbaill foirne a chothú chun cloí lenár n-oibligeáid chun staitisticí a tháirgeadh atá neamhspleách, oibiachtúil agus ar ardchaighdeán
- Leanfaimid dár ndaoine a chumasú ionas go mbíonn an cumas, an ghairmiúlacht agus na scileanna riachtanacha acu chun ár dtosaíochtaí straitéiseacha a chomhlíonadh
- Leanfaimid de cheannaireacht, rannpháirteacht agus nuálaíocht a spreagadh i measc na foirne ag gach leibhéal san CSO
- Leanfaimid de chultúr feidhmíochta den scoth a fhorbairt.

#### Teicneolaíocht

- Leanfaimid de leas a bhaint as dul chun cinn teicneolaíochta chun ár bpróisis táirgthe staitistiúla a fheabhsú agus a fhorbairt agus chun tacú le feabhsuithe ó thaobh tráthúlachta, cáilíochta, míondealuithe agus réimse de inár dtáirgí staitistiúla.

#### Cáilíocht

- Leanfaimid de cháilíocht ár gcuid oibre a fhorbairt; tacaíochtaí modheolaíochta agus cosanta sonraí chun a chinntiú go bhfanann ár dtáirgí staitistiúla chun tosaigh ó thaobh deachleachtais de.
- Leanfaimid de phróisis dearbhú cáilíochta a fhorbairt atá trédhearcach agus láidir chun a léiriú go bhfanann ár dtáirgí staitistiúla chun tosaigh ó thaobh deachleachtais de.
- Tacaímid le heagraíochtaí eamála poiblí chun cáilíocht a bhfoinsí sonraí riaracháin a fheabhsú.

